



ქალაქ ფოთის მუნიციპალიტეტის საკრებულო



## განკარგულება №13/46

2020 წლის 30 ივნისი

ქალაქი ფოთი

ქალაქ ფოთის მუნიციპალიტეტის საკუთრებაში არსებული მოძრავი ქონების - ავტომანქანა TOYOTA PRADO-ს (სარეგისტრაციო ნომერი ZZ040ZV) სახელმწიფოსათვის საკუთრებაში უსასყიდლოდ გადაცემის შესახებ

ქალაქ ფოთის მუნიციპალიტეტის საკრებულო აღნიშნავს, რომ ტრანსპორტის სარეგისტრაციო მოწმობის შესაბამისად, ავტომანქანა TOYOTA PRADO (სარეგისტრაციო ნომერი ZZ040ZV, საიდენტიფიკაციო კოდი JTEBU29JX05129883, გამოშვების წელი - 2008) წარმოადგენს ქალაქ ფოთის მუნიციპალიტეტის საკუთრებას.

ქალაქ ფოთის მუნიციპალიტეტის მერიას 2020 წლის 28 ივლისის №5/40134 წერილით (თანდართული საქართველოს სახელმწიფო უსაფრთხოების სამსახურის ეკონომიკური დეპარტამენტის, 2020 წლის 21 ივლისის, N SSG 5 20 00088181 წერილით) მომართა სსიპ სახელმწიფო ქონების ეროვნული სააგენტოს თავმჯდომარემ, რომელშიც დასმულია საკითხი ქალაქ ფოთის მუნიციპალიტეტის საკუთრებაში არსებული მოძრავი ქონების - ავტომანქანა TOYOTA PRADO-ს (სარეგისტრაციო ნომერი ZZ040ZV) სახელმწიფოსათვის საკუთრებაში უსასყიდლოდ გადაცემის შესახებ, შემდგომში საქართველოს სახელმწიფო უსაფრთხოების სამსახურისათვის, სამსახურებრივი საჭიროებისთვის სარგებლობის უფლებით, არსებობის ვადით, გადაცემის მიზნით.

„ადგილობრივი თვითმმართველობის კოდექსის“ საქართველოს ორგანული კანონის 108-ე მუხლის პირველი პუნქტის თანახმად, მუნიციპალიტეტის საკუთრებაში არსებული ქონება, მათ შორის, არასასოფლო-სამეურნეო დანიშნულების მიწის ნაკვეთი, სასოფლო-სამეურნეო დანიშნულების მიწის ნაკვეთი (შენობა-ნაგებობებით ან მათ გარეშე), აგრეთვე წილები/აქციები (გარდა მუნიციპალიტეტის საკუთარი უფლებამოსილების განხორციელებისათვის საჭირო ძირითადი (განუსხვისებელი) ქონებისა) სახელმწიფოს საკუთრებაში უსასყიდლოდ გადაეცემა „სახელმწიფო ქონების შესახებ“ საქართველოს კანონით განსაზღვრული ქონების მმართველის დასაბუთებული მიმართვის საფუძველზე, ავტონომიურ რეპუბლიკას - ავტონომიური რესპუბლიკის მთავრობის მიმართვის საფუძველზე, მუნიციპალიტეტის საკრებულოს გადაწყვეტილებით, ხოლო თბილისის შემთხვევაში - თბილისის მთავრობის გადაწყვეტილებით. ამავე მუხლის მეორე პუნქტის თანახმად, პირველი პუნქტით გათვალისწინებულ მოთხოვნაზე დასაბუთებულ - დადებით ან უარყოფით გადაწყვეტილებას იღებს მუნიციპალიტეტის საკრებულო, ხოლო თბილისის შემთხვევაში მთავრობა. შესაბამისი პასუხი წერილობით ეცნობება მოთხოვნის წარმდგენს მისი

წარდგენიდან არაუგვიანეს 45 დღისა. თუ უფლებამოსილმა ორგანომ მოთხოვნის წარდგენიდან 45 დღის ვადაში გადაწყვეტილება არ მიიღო, მოთხოვნილი ქონება სახელმწიფოსათვის ან/და ავტონომიური რესპუბლიკისათვის საკუთრებაში გადაცემულ ქონებად ჩაითვლება და სახელმწიფოს ან/და ავტონომიური რესპუბლიკის საკუთრებად რეგისტრირდება.

ამდენად, ყოველივე ზემოაღნიშნულის გათვალისწინებით მიზანშეწონილია განხორციელდეს ქალაქ ფოთის მუნიციპალიტეტის საკუთრებაში არსებული მოძრავი ქონების - ავტომანქანა TOYOTA PRADO-ს (სარეგისტრაციო ნომერი ZZ040ZV, საიდენტიფიკაციო კოდი JTEBU29JX05129883, გამოშვების წელი - 2008) სახელმწიფოსათვის საკუთრებაში უსასყიდლოდ გადაცემა, რათა შემდგომში ხსენებული მოძრავი ქონება სამსახურებრივი საჭიროებისთვის, არსებობის ვადით, სარგებლობის უფლებით გადაეცეს საქართველოს სახელმწიფო უსაფრთხოების სამსახურს.

#### აღნიშნულიდან გამომდინარე:

##### მუხლი 1.

გადაეცეს სახელმწიფოს საკუთრებაში, უსასყიდლოდ, ქალაქ ფოთის მუნიციპალიტეტის საკუთრებაში არსებული მოძრავი ქონება - ავტომანქანა TOYOTA PRADO (სარეგისტრაციო ნომერი ZZ040ZV, საიდენტიფიკაციო კოდი JTEBU29JX05129883, გამოშვების წელი - 2008).

##### მუხლი 2.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა № 3).

##### მუხლი 3.

საქართველოს ზოგადი ადმინისტრაციული კოდექსის 54-ე მუხლის პირველი ნაწილის შესაბამისად, განკარგულება ძალაშია კანონით დადგენილი წესით დაინტერესებული მხარისათვის გაცნობისთანავე.

საკრებულოს თავმჯდომარე



ბექა ვაჟარაძე